

Ու գետակներն ափնածիր:  
Արե՛ւ, մե՛զ ալ ոսկեգօծէ,  
արե՛ւ, մե՛զ ալ, ա՛հ, մե՛զ ալ...

Ոսկի թոյրեր սրսկեցիր  
Բըլուրներու կողն ի վար.  
Փայփայեցիր հողմավար  
Դաշտերուն վարսքը ցանցիր:  
Արե՛ւ, մե՛զ ալ գգուէ մօտէն,  
արե՛ւ, մե՛զ ալ, ա՛հ մե՛զ ալ...

Ոսկի մատիկդ հըպեցիր  
Եւ համբոյրիդ դըրիր բոց,  
Իրիկուան մեջ այս հեշտին,  
Մարիներուն ու մարդոց,  
Աղջիկներուն՝ կաթնաձիր  
Ու վարդ մըշուշ ճակատին:  
Արե՛ւ, մե՛զ ալ ողջագուրէ,  
արե՛ւ, մե՛զ ալ, ա՛հ, մե՛զ ալ...

Ոսկի կեանքը մեզ տըւիր.  
Եւ առանցքը դուն եղար  
Մեր աւիշին հոժ տենչին.  
Տակաւին մի՛ բաժնըւիր  
Եւ հնչեցուր ոսկելար  
Անհուն քընարդ՝ հե՛ղ մըն ալ.  
Ուզէ քիչ մը յամենայ,  
Համբուրե՛լ մեզ վերըստին:  
Ու չը ծագած դեռ ցնջին,  
Բայց անգորով ու ցրտին  
Լոյսն անհունէն մոլորած  
Լուսաւորին առաջին  
Կենսաւետէ մեզ ամենս ալ,  
արե՛ւ, ամե՛նս, ամե՛նս ալ...

## 28. Կ'ԵՐԹԱՅ ԱՐԵՒՆ ԻՐ ՉԱՏԻԿԻՆ...

Կարմիր, նախշուն հաւկիթի պէս  
Կ'երթայ արեւն իր Չատիկին.